



Inatsisartunut ilaasortaq Anthon Frederiksen  
/MAANI

**Nutaamik angallatitaarniarnermi periarfissat allat pillugit apeqqummut akissut.**

Inatsisartut Suleriaasianni § 36 imm. 1 naapertorlugu Naalakkersuisunut ima apeqquteqarputit:

**Aalisartooq angallatip pisoqalinerá pissutigalugu, angallammik ajutooqattaarnerit pequtaallutik, naggataatigullu iluatsillatuartoqalermaat aamma motorimik ajutoorneq pissutigalugu bank-imi akiligassaq amerlavallaalernerat pissutigalugu, angallammut immikkut akilersinnaanerusumik periarfissinneqareeraluarluni, bank-imiit akiitsutoqqat pequtaanerullutik bank-imiit angallatitaaqqinnissamut akimmisaarunneqartoq qanoq allanik periarfissaqarpa suullu aqutiginarneqarsinnaappat?**

Tassunga tunngatillugu Naalakkersuisut una akissutigissavaat:

Aalisartumut bank-imi attartorluni nutaamik angallatitaarniarsinnaanngitsumut suut periarfissaanersut pillugit apeqqutinnut qujanaq.

Angallammik nutaamik pisaarniarnermi aqqjissuussinerit assigiinngitsut marluk pisortat aningaasaleeqataanissaannut periarfissiipput.

Aqqjissuussineq siulleq tassaavoq ullumikkut atuuttoq Aalisarnermut, piniarnermut nunalerinermullu tapersiisarneq pillugu Inatsisartut peqqussutaat nr. 10. 12. november 2001-imeersoq, tassani nutaamik angallatitaarniarnermi inuussutissarsiutinut tapersiisarfimmit taarsigassarsisitsisoqarsinnaalluni. Taamaattoq uani oqaatigineqassaq, inuussutissarsiutinut tapersiisarnermi aqqjissuussinerim aningaasaliissutit atorneqarsinnaasut atorlugit, angallatinut Namminersornerullutik Oqartussat qularnaveeqquteqarfigisaannut iluarsaassinernut aserfallatsaaliunernullu taamaallaat taarsigassarsisitsineq/tapiissuteqarneq periarfissaasimavoq. Taamaalliluni inuussutissarsiutinut tapersiisarfimmit nutaamik angallatitaarniarnermi taarsigassarsititsinissamut aningaasaliissutinik naammattunik peqarsimangilaq.

Periarfissat aapparaat Aalisarnermut aningaasaliissutinut immikkoortitanik taaneqartartoq, tassani angallatip nutaap pisiarinerata akiata 20%-ia tikillugu tapiisoqarsinnaalluni. Kisianni tapiissummut tassunga piumasqaataavoq, tapiissummik pisoq, pisinermi akip 80%-ii sinneruttut nammineq imaluunnit aningaasali-

7. november 2006  
j.nr. 01.28 &  
61.15/06  
Postboks 269  
3900 Nuuk  
Oq/tel +299 34 50 00  
Fax +299 32 52 87  
apnp@gh.gl  
www.nanoq.gl

sut allat ikiortigalugit akilissallugu. Taakkua saniatigut Namminersornerullutik Oqartussat iluanni, angallatitaarniarnermi aningaasaleeqataanissamut allanik aaqqissuussineqanngilaq.

Naalackersuisut isumaqarput, toqqaannartumik akilersinnaasumik aalisarsinnaaneq tunngavigalugu angallatitaarniarneq nalinginnaasumik pisassasoq, taamaalil-luni aalisarneq aallaavimmini pisortat tapiissutaat tunngavigalugit ingerlanneqar-lunilu ineriartortinneqassanngimmat.

Ikinngutinnersumik inuulluaqqusillunga

Finn Karlsen

Aalisarnermut, Piniarnermut Nunalerinermullu Naalackersuisoq